

## Matibabu ya Monoclonal Antibody (Kingamwili za Protini Zinazotengenezwa katika Maabara (Monokloni)) ya COVID-19



**Matibabu haya ni nini?** Matibabu ya Monoclonal Antibody (kingamwili ya Monokloni (mAb)) huimarisha mfumo wako wa kinga ili kukusaidia kupambana na maambukizi ya COVID-19 pamoja na kingamwili zako asilia. Husaidia kuzuia maradhi makali na kifo. Chanjo bado ndio njia bora zaidi ya kuzuia au kupunguza kwa kiasi kikubwa maradhi yanayosababishwa na COVID-19, lakini matibabu ya mAb yanaweza kusaidia ikiwa mtu amegunduliwa kuwa na COVID-19 hivi majuzi.

**Je, matibabu haya yanaweza kunisaidia?** Matibabu haya yametengewa watu ambao watanufaika zaidi kwayo. Unaweza kustahiki kwa matibabu ya Monoclonal Antibody (kingamwili ya monokloni) ikiwa umegunduliwa kuwa na COVID-19, uko katika hatari kubwa ya kupata maradhi makali, una umri wa zaidi ya miaka 12, **na hazijapita siku 10 tangu dalili zako zilipoanza kuonekana.** Tembelea [coronavirus.utah.gov/noveltherapeutics](https://coronavirus.utah.gov/noveltherapeutics) na ubofye **Risk Score Calculator (Kikokotoo cha Alama za Hatari)** ili uone kama matibabu haya yanaweza kukusaidia.



**Ninapaswa kuyapata lini?** Matibabu haya yanafaa zaidi yanapotolewa mapema, na yikitolewa mapema itakuwa bora zaidi. Ni lazima yatolewe ndani ya siku 10 tangu dalili za maradhi kuanza. **Fahamu hatari yako kabla ya kupata COVID-19, tumia Risk Score Calculator (Kikokotoo cha Alama za Hatari)** ili uone kama matibabu haya yanaweza kukusaidia (**kinapatikana katika [coronavirus.utah.gov/noveltherapeutics](https://coronavirus.utah.gov/noveltherapeutics)**) na upate kipimo cha COVID-19 mara moja. Ikiwa utapatikana na COVID-19, chukua hatua haraka.

**Yanatolewa vipi?** Dawa hiyo hutolewa kwako kwa kuwekwa kwenye mishipa (IV) mara nyingi, au kwa kudungwa sindano mkononi mwako. Inachukua takriban saa mbili kupata matibabu. Watoa huduma za afya waliodhinishwa na waliofunzwa tu ndio wanaweza kutoa matibabu.



**Je, matibabu haya ni salama?** Ndiyo. Dawa za mAb zimeidhinishwa na Usimamizi wa Dawa wa Shirikisho (FDA) kwa Uidhinishaji wa Matumizi ya Dharura (EUA), na zimedhihirika katika majaribio ya kimatibabu kuwa salama na zenye ufanisi. Athari ni pamoja na: maumivu, kuvuja damu au michubuko ambapo sindano imedungwa kwenye mkono wako, kichefuchefu/kuhara, maumivu ya kichwa, kizunguzungu, au mwasho wa ngozi.

**Ninaweza kuyapata wapi?** Kando na kliniki nyingi za afya zinazotoa matibabu ya mAb (ambazo zinaweza kutoza ada), kuna maeneo manne yanayoendeshwa na serikali au washirika ambapo unaweza kupokea matibabu bila gharama yoyote. Maeneo haya yanapatikana katika Kaunti ya Davis, Murray, Orem na St. George. Maeneo ya Matibabu ya University of Utah Health and Intermountain Healthcare (Chuo Kikuu cha Utah na Intermountain Healthcare) pia hayalipishi wagonjwa kwa huduma hii. Kwa matibabu kwa watoto wenye umri wa miaka 12-15, tuma barua pepe kwa [Pediatric.MonoclonalAntibodies@mail.org](mailto:Pediatric.MonoclonalAntibodies@mail.org).



Kwa maelezo zaidi kuhusu mada hizi na zaidi-

Tovuti: [Coronavirus.utah.gov/noveltherapeutics](https://coronavirus.utah.gov/noveltherapeutics)

Simu ya dharura ya siku zote: 1-800-456-7707



CORONAVIRUS  
UTAH.GOV

